

Zauberlehrling

feat. Tom Geiger

(Skelt! / Skelt!)

Wie vo Zauberhand, dr Schauder sich macht Platz in mym Vrschtand
Ha's z'schpoot erkannt, vrdammt, my Pendant ussem Härz verbannt

Dr Fүүлlöscher für my Seelebrand?!...

S'Funggle in dyne Auge hett my übermannt

Blind, taub, schtumm bin y gsi, ha's nid welle gseh

S'Loch in mim Zentrum isch grösser denn je

S'isch uss syt X Johr und no brenn' y lichterloh

Will's um dy Erschaffer und my Vernichter goht

Y bi nid allei, by aber oft sehr einsam

Was machsch, wenn er dr ussgoht, dy geischtige Balsam?

D'Venus söll mi miteme bitz Glügg sägne

Sodass es au für mi wieder mol roty Rose rägnet

So Wunde heile schlächt, diefy Narbe blyybe

Schtunde keile Schächt, dr Kampf gege mi wird siige

S'kosmysche Gsetz macht mi perplex

Y vrgrab' my anere Bar und dringg X Bier uff Ex

REFRAIN

Du hesch e Vision kha, han ych die zerschtört?!

Han ych Di gruefe, hesch Du mi nie überhört

Hesch mi nie lo glaube, dass ych Di enddüscht ha

Dass y Dir nur Problem aaghüfft ha

Denn, du hesch mi glehrt, für anderi yyzschoh

Mit Lyyb und Seel uff ihry Problem yyzgoh

Y bi so unglaublich schtolz uff das was Du bisch

Wär Du bisch, vor allem was Du für mi bisch, Du gisch

Mir s'Gfühl vo Geborgeheit, au wenn my Läbensliecht erlischt

Sitze mir in Gedangge immer no am gliiche Disch

Wenn ych Dy Stärn bi, bisch Du mi Universum

Ych vrlie' my uff ewig in Dir, das isch kei Scherz und

Wärsch Du nid do, wär ych's au scho lang nümm

Durch Di glaub' y no ans Läbe, wird s'Ys au no so dünn

Au wenn y Dr s'letschte Moll durch Diny Hoor schtryych

Schsch...heb' kei Angscht, denn mr sehn uns im Himmelsryych

REFRAIN

Dr Hahn kreiht, uffgschreckt uss dr Druurigkeit

Lueg' ussem Fänschter, seh vom Sunneliecht d'Helligkeit

Kei Öpfel wächst im Garte vo dr Zweisamkeit, me seit

Dr Soome vom Vrtraue dryybt keiny Bliete, dreit

Keini Frücht, jedesmol wenn y lieg, nur damit y das grieg

Was y lieb und Dir so vill Schmäz zuefieg

Lyyd' y d'Qual vo dr Apokalypse

Diny Presänz, e Gefühl vo ewigem Glüggs, en

Ellipse, kreisend um all miny Atom

Du bisch my Schtromkreislauf, in mynere Muusig dr Doon

Dr Psion, uff all miny Froogen antwortend

Denn, für mi bisch Du an jeden Ort grennt

Für all miny Problem mit Drooge, Schuel und Schtaat

Bisch Du dr Joker in mym Schiggalsrad

Für alli Ewigkeit blyybsch Du my Merlin
Und ych für immer Dy Zauberlehrling

SAX MAGIC

REFRAIN

Vocals **Skelt!**
Tenor & Soprano Saxophone **Tom Geiger**

© 1999 P-27 (SUISA)